

- (3) Ukoliko lica iz stava (2) ovog člana u roku do 5 godina od odbijanja ponude naknadno prihvate ponudu Zavoda za izgradnju Kantona Sarajevo, postupak će se okončati zaključenjem ugovora u formi notarski obrađene isprave, a nakon dobijanja pozitivnog mišljenja Pravobranilaštva Kantona Sarajevo i saglasnosti Skupštine Kantona Sarajevo."

## Član 3.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-04-2517/23 Predsjedavajući  
27. januara 2023. godine Skupštine Kantona Sarajevo  
Sarajevo **Elvedin Okerić**, s. r.

Na osnovu člana 8. Zakona o vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), predsjedavajući Skupštine Kantona Sarajevo, uz konsultacije sa zamjenicima predsjedavajućeg, dana 25.01.2023. godine, donosi

**ODLUKU****O ODREĐIVANJU VRŠIOCA DUŽNOSTI PREMIJERA  
KANTONA SARAJEVO****I**

Određuje se, ministrica Ministarstva pravde i uprave Kantona Sarajevo, Darja Softić Kadenić, za vršioca dužnosti premijera Kantona Sarajevo.

**II**

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 01-04-2337/23 Predsjedavajući  
25. januara 2023. godine Skupštine Kantona Sarajevo  
Sarajevo **Elvedin Okerić**, s. r.

**Vlada Kantona Sarajevo**

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 4. stav (20) i članom 50. Zakona o komunalnim djelatnostima ("Službene novine Kantona Sarajevo", broj 14/16, 43/16, 10/17 Ispravka, 19/17, 20/18 i 22/19) Vlada Kantona Sarajevo, na 111. sjednici održanoj 19.01.2023. godine, donijela je

**UREDBU****O ODRŽAVANJU I UPRAVLJANJU SISTEMOM JAVNE  
RASVJETE KANTONA SARAJEVO****POGLAVLJE I - OPĆE ODREDBE**

## Član 1.

(Predmet)

Ovom uredbom uređuju se postupci upravljanja sistemom javne rasvjete na području Kantona Sarajevo: izdavanja saglasnosti za izgradnju, rekonstrukciju, nadogradnju i sanaciju javne rasvjete, postupci priključenja na sistem javne rasvjete, obavljanje komunalne djelatnosti održavanja sistema javne rasvjete na području Kantona Sarajevo, uslovi za priključenje novoizgrađene rasvjete u sistem javne rasvjete, korištenje sistema javne rasvjete za druge namjene, neovlašteno korištenje sistema javne rasvjete i postupanje kod neovlaštenog korištenja sistema javne rasvjete i zahvata na sistemu javne rasvjete, obezbjeđenje sredstava za održavanje sistema javne rasvjete, šteta i naknada štete i nadzor nad sistemom javne rasvjete,

nadzor nad provođenjem uredbe i vršenje inspeksijskog nadzora.

## Član 2.

(Definicija pojedinih izraza)

Izrazi koji se koriste u ovoj uredbi imaju slijedeće značenje:

- a) **sistem javne rasvjete** - komunalna infrastruktura svakog naseljenog područja kojom se osigurava rasvjetljavanje javnih površina (ceste i ulice, trgovi, mostovi i potputnjaci, pješački prelazi, pješački podhodnici, pješačke zone, šetališta i pješačke staze, parkovske staze i parkinzi);
- b) **održavanje sistema javne rasvjete Kantona Sarajevo** - održavanje objekata i uređaja sistema javne rasvjete, kojom se osvjetljavaju prometne i druge javne površine;
- c) **područje naseljenosti** - područje naseljenosti kako je određeno posebnim propisom iz područja prostornog uređenja;
- d) **infrastruktura javne rasvjete** - sklop elektrouređaja i kablova kojima se jedno ili više rasvjetnih tijela povezuje i priključuje na elektrodistributivnu mrežu;
- e) **ovlašteno pravno lice za održavanje sistema javne rasvjete** - pravno lice koje na osnovu ugovora sa Ministarstvom komunalne privrede, infrastrukture, prostornog uređenja, građenja i zaštite okoliša Kantona Sarajevo (u daljem tekstu Ministarstvo), obavlja poslove utvrđene ovom uredbom;
- f) **rasvjetno tijelo (svjetiljka)** - električna naprava sa ugrađenim izvorom svjetlosti, a namijenjena je usmjeravanju, filtriranju ili prijenosu svjetla. Pod svjetiljkom se podrazumijevaju i svjetiovodi (optička vlakna) i svi drugi neelektrični uređaji koji svojom upotrebom stvaraju, filtriraju ili prenose svjetlo, a može se sastojati od kućišta (sjenila), držača, ogledala, refrakcijske ili difuzne leće (sjenilo);
- g) **sijalica** - dio svjetiljke koji električnu energiju pretvara u svjetlost (izvor svjetlosti);
- h) **stub javne rasvjete** - drveni, betonski ili metalni stub koji se koristi za montažu rasvjetnog tijela u neposrednoj blizini površine koja se osvjetljava;
- i) **saglasnost na sistem javne rasvjete** - akt kojim se daje saglasnost na projektovano tehničko rješenje
- j) **odobrenje za postavljanje opreme kablovskih operatera na stubove javne rasvjete** - akt kojim se daje saglasnost za korištenje stubova javne rasvjete za postavljanje instalacija kablovskih operatera;
- k) **rješenje o priključenju na sistem javne rasvjete** - dokument kojim Ministarstvo preuzima dalje upravljanje nad sistemom javne rasvjete;
- l) **mjerilo utroška električne energije** - uređaj kojim se registriira količina isporučene električne energije na obračunskom mjernom mjestu, u skladu sa propisima o mjeriteljstvu i tehničkim pravilima u elektrodistributivnoj djelatnosti;
- m) **razvodni ormar javne rasvjete** - ormar sa elektrouređajima i kablovima za napajanje, razvod i upravljanje infrastrukturom i rasvjetnim tijelima javne rasvjete, te mjerilom utroška električne energije i ostalom opremom obračunskog mjernog mjesta;

- n) **obračunsko mjereno mjesto** - mjesto na kojem se pomoću mjerila obavlja mjerenje isporučene električne energije radi obračuna;
- o) **obračunski period** - period na koji se odnosi obračun stvarno preuzete/predane električne energije između dva očitavanja;
- p) **poremećaj** - događaj ili pojava koja može uzrokovati prekid u rasvjetljavanju;
- r) **havarijski poremećaj** - pojava koja uzrokuje prekid u rasvjetljavanju i svojim posljedicama ugrožava sigurnost i život građana, njihovih dobara, te sigurnost javnih dobara i objekata;
- s) **predhavarijski poremećaj** - pojava koja svojim karakteristikama može dovesti do havarijskog poremećaja;
- t) **plan programiranja uključenja i isključenja javne rasvjete** - pisani dokument koji za tekuću godinu donosi Ministarstvo i na osnovu kojeg se programira vrijeme uključenja i isključenja sistema javne rasvjete u toku svih dana u tekućoj kalendarskoj godini;
- u) **regulacija osvjetljenosti** - daljinsko upravljanje nivoom rasvjetljenosti javne rasvjete u vrijednosti do 40% u noćnom periodu;
- v) **noćni period** - dio 24 - stalnog dnevnog ciklusa tokom kojega prirodno svjetlo uzrokuje rasvijetljenost horizontalnih površina manju od 10 luksa;
- z) **dekorativna rasvjeta** - rasvjeta kojom se za vrijeme praznika i drugim sličnim prilikama ukrašavaju dijelovi Kantona;
- aa) **akcentna rasvjeta** - osvjetljavanje spomenika, kulturnih, sakralnih i drugih objekata značajnih za Kanton;
- bb) **saobraćajni znak** - znak kojim se upotrebom grafičkih ili svjetlosnih ili brojevnih ili slovnih oznaka ili drugih simbola, učesnici u saobraćaju upozoravaju na opasnosti na putu, stavljaju im se do znanja ograničenje, zabrane i obaveze, odnosno daju obavještenja potrebna za bezbjedno kretanje po putu;
- cc) **turistička i ostala signalizacija** - signalizacija namijenjena obavještenju učesnika u saobraćaju o kulturnim, historijskim, prirodnim i turističkim znamenitostima, te ostalim objektima i sadržajima;
- dd) **isticanje putokaza za pravna lica** - putokazi sa istaknutim nazivom pravnih lica;
- ee) **reklamni pano** - konstrukcija pričvršćena na stub javne rasvjete, čija je svrha reklamiranje poslovnih subjekata, te njihovih proizvoda i usluga;
- ff) **investitor** - Kanton, Grad i općine i pravna lica koja vrše izgradnju nove javne rasvjete ili rekonstrukciju ili sanaciju ili nadogradnju javne rasvjete;
- gg) **ovlašteno tehničko lice Ministarstva** - državni službenik Ministarstva sa kompetencijama iz elektroenergetike;
- hh) **samostojeći svjetleći reklamni pano (tzv. "bilbordi")** - konstrukcija sa rasvjetom, čija je svrha reklamiranje raznih vrsta proizvoda i usluga. Samostojeći svjetleći reklamni pano s obzirom na način rasvjetljavanja dijele se na tri grupe: sa vanjskim svjetiljkama postavljenim sa gornje strane oglasnog panoa čija svjetlost mora završavati na površini koju rasvjetljava bez rasipanja u okolinu; sa unutrašnjim svjetiljkama i statičkom rasvjetom i sa

unutrašnjim svjetiljkama i /ili dinamičkim prijenosom informacija, rasvjetom i promjenom rasvjete (dinamični displeji);

- ii) **komunalna naknada za korištenje instalacija javne rasvjete** - naknada za korištenje instalacija javne rasvjete.

## POGLAVLJE II - SAGLASNOST ZA IZGRADNJU, REKONSTRUKCIJU, NADOGRAĐNJU I SANACIJU I PRIKLJUČENJE NA SISTEM JAVNE, RASVJETE I ODOBRENJE ZA IZMJEŠTANJE ELEMENATA SISTEMA JAVNE RASVJETE

### Član 3.

(Saglasnosti za izgradnju, rekonstrukciju, nadogradnju i sanaciju sistema javne rasvjete)

- (1) Saglasnost na sistem javne rasvjete izdaje Ministarstvo na osnovu ove uredbe i Pravilnika o tehničkim uslovima sistema javne rasvjete Kantona Sarajevo ("Službene novine Kantona Sarajevo", br. 23/20 i 26/20) (u daljem tekstu: Pravilnik) kojim se propisuju tehničke karakteristike sistema javne rasvjete i standarda rasvijetljenosti.
- (2) Zahtjev za izdavanje saglasnosti na sistem javne rasvjete u procesu izgradnje, rekonstrukcije, nadogradnje i sanacije sistema javne rasvjete podnosi investitor u toku pribavljanja potrebne dokumentacije u skladu sa propisima iz područja građenja.
- (3) Saglasnost na sistem javne rasvjete se izdaje u formi rješenja.

### Član 4.

(Priklučenje na sistem javne rasvjete)

- (1) Zabranjuje se priključenje na sistem javne rasvjete bez odobrenja.
- (2) Prijem i priključenje novoizgrađene, rekonstruisane, nadograđene ili sanirane javne rasvjete u sistem javne rasvjete na području Kantona Sarajevo, odobrava Ministarstvo.
- (3) Zahtjev za prijem u sistem javne rasvjete podnosi investitor.
- (4) Zahtjev za prijem i priključenje novoizgrađene, rekonstruisane, nadograđene ili sanirane javne rasvjete u sistem javne rasvjete na području Kantona Sarajevo sadrži dokumente definisane u Pravilniku.
- (5) Ministarstvo u skladu sa Pravilnikom vrši komisijski interni tehnički prijem koji obuhvata: pregled dostavljene dokumentacije, provjeru na licu mjesta sa utvrđivanjem da je javna rasvjeta izgrađena u skladu sa saglasnošću na sistem javne rasvjete iz člana 3. ove uredbe.
- (6) Ministarstvo donosi rješenje kojim se daje odobrenje za prijem i priključenje u sistem javne rasvjete.
- (7) Izdatim rješenjem Ministarstvo preuzima održavanje i plaćanje utroška električne energije za novoizgrađenu, rekonstruiranu, nadograđenu ili saniranu javnu rasvjetu.
- (8) U slučaju da javna rasvjeta nije izgrađena u skladu sa saglasnosti na sistem javne rasvjete, Ministarstvo će pismenim putem obavijestiti investitora o neusklađenosti i utvrditi rok, maksimalni do 90 dana, u kome će zatražiti od investitora da otkloni utvrđene nedostatke.
- (9) Ukoliko investitor u datom roku iz stava (8) ne otkloni utvrđene neusklađenosti na javnoj rasvjeti, Ministarstvo neće odobriti priključenje na sistem javne rasvjete Kantona Sarajevo.

### Član 5.

(Odobrenje za izmještanje elemenata sistema javne rasvjete)

- (1) Odobrenje za izmještanje elemenata sistema javne rasvjete donosi Ministarstvo na osnovu podnesenih

- pisanih zahtjeva pravnih i fizičkih lica. Odobrenje se donosi nakon izvršenog terenskog obilaska i stručnog mišljenja ovlaštenog tehničkog lica. Izmještanje elemenata sistema javne rasvjete vrše pravna lica ovlaštena za održavanje sistema javne rasvjete.
- (2) Ukoliko se izmještanje elemenata sistema javne rasvjete vrši iz sigurnosnih i tehničkih razloga, kao i izmještanje sa privatnog posjeda na javnu površinu troškovi izmještanja padaju na teret Budžeta Kantona Sarajevo.
  - (3) Ukoliko se privremeno ili trajno izmještanje elemenata sistema javne rasvjete vrši za potrebe izgradnje, rekonstrukcije, sanacije građevinskih objekata ili saobraćajnica, troškove izmještanja snosi podnosilac zahtjeva.
  - (4) Sva odobrenja se donose u formi rješenja.

### POGLAVLJE III - UPRAVLJANJE SISTEMOM JAVNE RASVJETE

#### Član 6.

(Organizacija upravljanja sistemom javne rasvjete)

- (1) Upravljanje sistemom javne rasvjete spada u nadležnost Ministarstva.
- (2) Ministarstvo upravlja sistemom javne rasvjete na slijedeći način:
  - a) priprema smjernice za razvoj i unaprijeđenje sistema javne rasvjete;
  - b) prati i nadzire radove na redovnom održavanju sistema javne rasvjete;
  - c) vrši redovni obilazak Kantona Sarajevo i pregled ispravnosti javne rasvjete;
  - d) prima pozive o uočenim kvarovima na sistemu javne rasvjete i izdaje naloge izvođačima radova održavanja sistema javne rasvjete;
  - e) priprema tehničke specifikacije, tendersku dokumentaciju i raspisuje javne pozive za odabir izvođača održavanja sistema javne rasvjete;
  - f) priprema tendersku dokumentaciju za nabavku električne energije za potrebe sistema javne rasvjete;
  - g) priprema dokumentaciju za nove ugovore o održavanju i sklapa ugovore sa izvođačima održavanja, pregleda i vrši plaćanje računa za održavanje sistema javne rasvjete i utrošenu električnu energiju;
  - h) priprema dokumentaciju i sklapa ugovore sa svim korisnicima infrastrukture javne rasvjete;
  - i) pregleda tehničku dokumentaciju potrebnu za izdavanje saglasnosti za priključenje i izmještanje javne rasvjete i razmatra njenu usaglašenost sa propisima;
  - j) ažurira podatke GIS sistema javne rasvjete Kantona Sarajevo (obilježavanje, katastarsko snimanje, evidentiranje i dr.);
  - k) koordinira sa Kantonalnim pravobranilaštvom u slučaju sporova pred nadležnim sudovima po pitanjima nastalih šteta na sistemu javne rasvjete.

#### Član 7.

(Saradnja Ministarstva sa jedinicama lokalne samouprave u planiranju i praćenju sistema javne rasvjete)

- (1) Jedinice lokalne samouprave dostavljaju Ministarstvu godišnje planove izgradnje, rekonstrukcije, nadogradnje i sanacije sistema javne rasvjete do 30.11. tekuće godine za narednu godinu.
- (2) Planovi lokalnih samouprava za izgradnju, rekonstrukciju, nadogradnju i sanaciju sistema javne rasvjete treba sa sadržje popis lokacija, približno angažovanu snagu (kVA), vrstu i period izvođenja radova.

- (3) Na osnovu Planova iz stava (1), Ministarstvo sačinjava okvirni godišnji iznos budžetskih sredstava za plaćanje utrošene električne energije i okvirni godišnji iznos budžetskih sredstava za održavanja sistema javne rasvjete za narednu godinu.

#### Član 8.

(Priključenje novog mjernog mjesta, mjerenje, obračun i plaćanje utroška električne energije za sistem javne rasvjete)

- (1) Priključenje novog mjernog mjesta sistema javne rasvjete na elektrodistributivnu mrežu vrši se u skladu sa propisima u elektrodistributivnoj djelatnosti i općim uslovima o isporuci električne energije. Za isporuke električne energije snabdjevač i Ministarstvo zaključuju ugovor.
- (2) Mjerenje utroška električne energije se vrši na mjesečnom nivou od strane snabdjevača električnom energijom. Plaćanje troškova električne energije za sistem javne rasvjete Kantona Sarajevo na osnovu uspostavljenih računa po mjernim mjestima snabdjevača vrši se iz Budžeta Kantona Sarajevo.
- (3) Održavanje mjernog mjesta je u nadležnosti snabdjevača električnom energijom.

#### Član 9.

(Finansijska sredstva za održavanje sistema javne rasvjete i izvještavanje Vlade Kantona Sarajevo o upravljanju sistemom javne rasvjete)

- (1) Sredstva za održavanje sistema javne rasvjete, obezbjeđuju se iz Budžeta Kantona Sarajevo i vlastitih prihoda sistema javne rasvjete.
- (2) Ministarstvo je dužno da za svaki mjesec sačini plan finansijskih sredstava za održavanje sistema javne rasvjete u skladu sa odobrenim budžetskim sredstvima, te vrši praćenje utroška planiranih sredstava.
- (3) Vlastiti prihodi sistema javne rasvjete se koriste za programe poboljšanja na sistemu javne rasvjete.
- (4) Ministarstvo je dužno da do 28.02. svake godine za proteklu godinu, dostavi godišnji izvještaj Vladi Kantona Sarajevo o funkcionisanju sistema javne rasvjete.

#### Član 10.

(Održavanje sistema javne rasvjete)

- (1) Održavanje sistema javne rasvjete je komunalna djelatnost, koju u skladu sa članom 7. Zakona o komunalnim djelatnostima ("Službene novine Kantona Sarajevo", broj 14/16, 43/16, 10/17 Ispravka, 19/17, 20/18 i 22/19) obezbjeđuje Kanton Sarajevo i dio je upravljanja sistemom javne rasvjete i u nadležnosti je Ministarstva.
- (2) Poslove održavanja sistema javne rasvjete Ministarstvo može dodijeliti kantonalnom javnom komunalnom preduzeću ili privrednom društvu (u daljem tekstu Izvođač) koje ispunjava zakonom predviđene uslove za obavljanje komunalne djelatnosti.
- (3) Održavanje sistema javne rasvjete se reguliše ugovorom između Ministarstva i Izvođača.

### POGLAVLJE IV - KORIŠTENJE SISTEMA JAVNE RASVJETE ZA DRUGE POTREBE

#### Član 11.

(Korištenje sistema javne rasvjete za druge potrebe)

- (1) Stubovi javne rasvjete uz odobrenje se mogu koristiti za: postavljanje instalacija kablovskih operatera, postavljanje nadzornih kamera i radara, postavljanje saobraćajnih, signalizacijskih, turističkih i ostalih znakova, postavljanje putokaza za pravna lica, postavljanje reklamnih panoa bez osvjetljenja, korištenje instalacija za priključenje samostojjećih svjetlećih reklamnih panoa (bilbordi), priključenje dekorativne rasvjete i akcentne rasvjete.

- (2) Odobrenje za korištenje stubova javne rasvjete iz stava (1) ovog člana izdaje Ministarstvo u formi rješenja u skladu sa odredbama Pravilnika.
- (3) Stubovi javne rasvjete u vlasništvu Kantona Sarajevo, kao i stubovi u vlasništvu distributera električne energije mogu se koristiti obostrano za potrebe javne rasvjete i niskonaponske mreže, o čemu će se zaključiti međusobni sporazum između Ministarstva i distributera.
- (4) Stubovi javne rasvjete u vlasništvu Kantona Sarajevo, kao i stubovi kontaktne mreže za javni prevoz mogu se koristiti obostrano za potrebe javne rasvjete i postavljanje kontaktne mreže, o čemu će se zaključiti međusobni sporazum između Ministarstva i Ministarstva saobraćaja Kantona Sarajevo.

#### Član 12.

(Zahtjev za postavljanje instalacija kablovskih operatera i regulisanje odnosa Ministarstva i kablovskih operatera)

- (1) Zahtjev za odobrenje korištenja stubova javne rasvjete za postavljanje kablovskih instalacija) kablovski operater podnosi Ministarstvu.
- (2) Uz zahtjev kablovski operater treba da dostavi popis lokacija i broj rasvjetnog mjesta (u daljem tekstu: RM) stuba javne rasvjete na koje želi postaviti kablovske instalacije, te projektnu dokumentaciju u skladu sa Pravilnikom.
- (3) Odnos Ministarstva i kablovskih operatera uređuju se ugovorom.

#### Član 13.

(Postavljanje instalacija kablovskih operatera)

- (1) Postavljanje instalacija kablovskih operatera na stubove javne rasvjete, vrši podnosilac zahtjeva u skladu sa odobrenjem Ministarstva.
- (2) Nadzor nad postavljanjem instalacija kablovskih operatera na stubove javne rasvjete, vrši Ministarstvo putem ovlaštenog izvođača za održavanje sistema javne rasvjete.
- (3) Izvođač radova za održavanje sistema javne rasvjete dužan je sva zapažanja o korištenju stubova javne rasvjete od strane kablovskih operatera, mimo propisanih uslova iz odobrenja, dostaviti u pisanom obliku Ministarstvu.
- (4) Ukoliko zbog korištenja stubova javne rasvjete od strane kablovskih operatera dođe do nastanka kvara ili štete na stubovima javne rasvjete, trošak otklanjanja kvara, odnosno štete snose kablovski operateri.

#### Član 14.

(Postavljanje nadzornih kamera i radara, postavljanje saobraćajnih i signalizacijskih znakova)

- (1) Postavljanje nadzornih kamera i radara, postavljanje saobraćajnih i signalizacijskih znakova, vrši podnosilac zahtjeva u skladu sa odobrenjem Ministarstva.
- (2) Nadležna ministarstva za oblast sigurnosti, saobraćaja i komunikacija podnose Ministarstvu zahtjev za postavljanje saobraćajnih znakova, signalizacijskih znakova, nadzornih kamera i radara na stubove javne rasvjete.
- (3) Uz zahtjev je potrebno dostaviti popis lokacija i RM stubova na kojima se želi postaviti signalizacijski ili saobraćajni znak ili nadzorna kamera ili radar, kao i tehničko rješenje načina postavljanja.
- (4) O podnesenom zahtjevu Ministarstvo odlučuje donošenjem rješenja.
- (5) Postavljanje saobraćajnih znakova, signalizacijskih znakova, nadzornih kamera i radara na stubove javne rasvjete odobrava se bez naknade.

#### Član 15.

(Postavljanje i priključenje dekorativne rasvjete)

- (1) Postavljanje i priključenje dekorativne rasvjete na sistem javne rasvjete odobrava Ministarstvo u skladu sa Pravilnikom.
- (2) Priključenje na sistem javne rasvjete smije vršiti samo ovlašteno i stručno osposobljeno lice - ovlašteni izvođač održavanja sistema javne rasvjete uz atest instalacija priključenja.
- (3) Troškove priključenja i atestiranja snosi vlasnik dekorativne rasvjete.

#### Član 16.

(Postavljanje i priključenje akcentne rasvjete)

- (1) Postavljanje akcentne rasvjete na stubovima javne rasvjete i priključenje napajanja sa sistema javne rasvjete, vrši podnosilac zahtjeva u skladu sa odobrenjem Ministarstva.
- (2) Zainteresovano pravno lice podnosi zahtjev Ministarstvu za postavljanje akcentne rasvjete na stubove javne rasvjete i priključenje napajanja sa sistema javne rasvjete.
- (3) Uz zahtjev je potrebno dostaviti naziv, vrstu i lokaciju objekta na koji se želi postaviti akcentna rasvjeta i Glavni projekat elektroinstalacija akcentne rasvjete, koji mora biti usklađen sa Pravilnikom.
- (4) O podnesenom zahtjevu Ministarstvo odlučuje donošenjem rješenja.
- (5) Sistem javne rasvjete za postavljanje akcentne rasvjete, može se koristiti samo u slučajevima ukoliko se akcentna rasvjeta koristi za osvjetljavanje objekata koji imaju status kulturno-historijskog i prirodnog nasljeđa.
- (6) Prije priključenja, podnosilac zahtjeva je obavezan da dostavi atestnu dokumentaciju kao dokaz o ispravnosti elektroinstalacija akcentne rasvjete.
- (7) Priključenje na sistem na sistem javne rasvjete smije vršiti samo ovlašteno i stručno osposobljeno lice.
- (8) Troškovi korištenja sistema javne rasvjete i održavanja akcentne rasvjete regulišu se ugovorom između Ministarstva i podnosioca zahtjeva.

#### Član 17.

(Postavljanje turističkih i ostalih znakova i postavljanje putokaza za pravna lica)

- (1) Postavljanje turističkih i ostalih znakova, postavljanje putokaza za pravna lica na stubove javne rasvjete namijenjene za obavještanje učesnika u saobraćaju o kulturno-historijskim, prirodnim i turističkim znamenitostima, te ostalim objektima i sadržajima, vrši podnosilac zahtjeva u skladu sa odobrenjem Ministarstva.
- (2) Odobrenje za postavljanje turističkih i ostalih znakova, postavljanje putokaza za pravna lica na stubove javne rasvjete donosi Ministarstvo na osnovu, podnesenog zahtjeva u skladu sa Pravilnikom.
- (3) Zahtjev za postavljanje turističkih i ostalih znakova, postavljanje putokaza za pravna lica na stubove javne rasvjete treba da sadrži:
  - a) naziv općine, naziv ulice i najbliži broj gdje se nalazi stub;
  - b) RM stuba;
  - c) dokaz o registraciji pravnog lica.

#### Član 18.

(Postavljanje reklamnih panoa na stubove javne rasvjete)

- (1) Postavljanje reklamnih panoa na stubove javne rasvjete vrši se u skladu sa "Elaborat - reklamni panoi na stubovima javne rasvjete" autora Zavod za planiranje Kantona Sarajevo, maj 2016. godine, a koji propisuje korištenje stubova javne rasvjete za postavljanje reklamnih panoa.

- (2) Troškovi korištenja stubova javne rasvjete za postavljanje reklamnih panoa, regulišu se ugovorom između Ministarstva i podnosioca zahtjeva.

#### POGLAVLJE V - PRIKLJUČENJE SAMOSTOJEĆIH SVJETLEĆIH REKLAMNIH PANOVA

##### Član 19.

(Priklučenje samostojećih svjetlećih reklamnih panoa na instalacije javne rasvjete)

- (1) Instalacije javne rasvjete mogu se koristiti za priključenje samostojećih svjetlećih reklamnih panoa.
- (2) Odobrenje za korištenje instalacija javne rasvjete iz stava (1) izdaje Ministarstvo u formi rješenja.
- (3) Na osnovu izdatog rješenja vlasnici samostojećih svjetlećih reklamnih panoa sklapaju sa Ministarstvom ugovor u trajanju jedne godine sa mogućnosti produženja.
- (4) Priključenje na instalacije javne rasvjete vrši Izvođač održavanja sistema javne rasvjete na području date općine Kantona Sarajevo, a ovlašteno pravno lice vrši atestiranje instalacija.
- (5) JP Elektroprivreda BiH d.d. - Podružnica Elektrodistribucija Sarajevo (nadležni operator distributivnog sistema) daje saglasnost na lokaciju objekta i trasu priključenja za svaki pojedinačni samostojeći svjetleći reklamni pano (tehnički uslovi za priključenje).
- (6) Ministarstvo donosi odluku o cijeni komunalne naknade za korištenje instalacija javne rasvjete za priključenje samostojećih svjetlećih reklamnih panoa na godišnjem nivou.
- (7) Cijena komunalne naknade za priključenje na infrastrukturu javne rasvjete se formira po slijedećoj formuli: visina komunalne naknade = (mrežarina + ukupna aktuelna cijena kWh električne energije) x 12 sati x 365 dana + aktualna cijena KM/stubu javne rasvjete za održavanje instalacija.
- (8) Prilikom ugovaranja vlasnik samostojećih svjetlećih reklamnih panoa potpisuje i protestiranu mjenicu za troškove odpajanja sa sistema javne rasvjete.

##### Član 20.

(Zahtjev za korištenje instalacija javne rasvjete)

- (1) Zahtjev za odobrenje korištenja instalacija javne rasvjete za priključenje samostojećih svjetlećih reklamnih panoa, pravna lica (vlasnici samostojećih reklamnih svjetlećih panoa) dostavljaju Ministarstvu.
- (2) Uz zahtjev podnosioc iz stava (1) ovog člana je dužan da dostavi slijedeće dokumente:
  - a) odobrenja nadležnih Općinskih organa/Direkcije za puteve/Gradske uprave za fizičko postavljanje samostojećih reklamnih svjetlećih panoa.
  - b) dokazi o uplati komunalnih naknada za fizičko postavljanje samostojećih svjetlećih reklamnih panoa, i to:
    - 1) potvrda nadležnog upravitelja cesta o izmirenim obavezama vlasnika samostojećih svjetlećih reklamnih panoa, ne starija od tri mjeseca,
    - 2) potvrda nadležne gradske službe Grada Sarajeva o izmirenim obavezama vlasnika samostojećih svjetlećih reklamnih panoa u pojasu uređenih korita vodotoka na području Grada, ne starija od tri mjeseca,
  - c) saglasnost na lokaciju objekta i trasu priključenja od JP Elektroprivreda BiH dd - Podružnica Elektrodistribucija Sarajevo (nadležni operator distributivnog sistema) za svaki pojedinačni

samostojeći svjetleći reklamni pano (tehnički uslovi za priključenje),

- d) tehničku dokumentaciju u skladu sa Pravilnikom.

##### Član 21.

(Postupanje nakon isteka ili prekida ugovora o korištenju instalacija javne rasvjete za samostojeće reklamne panoa)

Vlasnici samostojećih svjetlećih reklamnih panoa su dužni nakon isteka ili prekida ugovora o korištenju instalacija javne rasvjete izvršiti odpajanje sa instalacija javne rasvjete putem ovlaštenih izvođača održavanja sistema javne rasvjete uz sačinjavanje zapisnika potpisanog od obje strane. Ukoliko vlasnik samostojećih svjetlećih reklamnih panoa ne izmiri troškove odpajanja sa sistema javne rasvjete, Ministarstvo će aktivirati protestiranu mjenicu iz ugovora.

##### Član 22.

(Naknade za korištenje stubova javne rasvjete)

Naknade za korištenje stubova javne rasvjete utvrđuje Vlada na prijedlog Ministarstva.

##### Član 23.

(Rok za rješavanje zahtjeva)

Za rješavanje podnesenih zahtjeva, primjenjuju se rokovi predviđeni odredbama Zakona o upravnom postupku ("Službene novine Federacije BiH", br. 2/98, 48/99 i 61/22).

##### Član 24.

(Žalba)

Protiv rješenja Ministarstva koja se donose u skladu sa ovom uredbom može se izjaviti žalba Vladi Kantona Sarajevo u roku od 15 dana od dana prijema rješenja koje se žalbom pobija.

#### POGLAVLJE VI - NEOVLAŠTENO KORIŠTENJE SISTEMA JAVNE RASVJETE I NAKNADA ŠTETE

##### Član 25.

(Zabranjene radnje)

- (1) Zabranjuje se bez odobrenja Ministarstva postavljanje instalacija kablovskih operatera, postavljanje nadzornih kamera i radara, postavljanje saobraćajnih, signalizacijskih, turističkih i drugih znakova, postavljanje putokaza za pravna lica, postavljanje reklamnih panoa bez osvjetljenja, korištenje instalacija za priključenje samostojećih svjetlećih reklamnih panoa (bilbordi), priključenje dekorativne rasvjete i akcentne rasvjete, na stubove i instalacije sistema javne rasvjete Kantona Sarajevo.
- (2) Zabranjuje se bez saglasnosti Ministarstva postavljanje, ljepljenje plakata i oglasa na stubove javne rasvjete Kantona Sarajevo.
- (3) Zabranjuje se korištenje stubova javne rasvjete za vezivanje bicikala, romobila i sličnih prevoznih sredstava.
- (4) Zabranjuje se neovlašteno korištenje instalacija sistema javne rasvjete u bilo koju svrhu.
- (5) Zabranjuje se bez odobrenja Ministarstva priključenje na sistem javne rasvjete Kantona Sarajevo novoizgrađene, rekonstruisane, nadograđene i sanirane javne rasvjete.

##### Član 26.

(Naknada štete)

- (1) Naknadu štete na sistemu javne rasvjete, koja je nastala ovlaštenim radnjama, zabranjenim radnjama na sistemu javne rasvjete, saobraćajnim nezgodama, građevinskim radovima, krađom ili vandalizmom pravnih i fizičkih lica na sistemu javne rasvjete, snosi počinitelj štete.
- (2) Visina štete se utvrđuje prema važećem cjenovniku izvođača radova na održavanju sistema javne rasvjete Kantona Sarajevo.
- (3) Izvođač radova na održavanju sistema javne rasvjete na području Kantona Sarajevo je dužan da sve uočene štete iz

stava (1), pismeno prijavi Ministarstvu i pozove nadležnu policijsku stanicu da izađe na lice mjesta i sačini zapisnik o šteti.

- (4) Šteta nastala neovlaštenim priključenjem na instalacije javne rasvjete se obračunava u skladu sa metodologijom datom u Općim uslovima za isporuku električne energije ("Službene novine Federacije BiH", broj 89/14, 7/18 i 84/19.)

#### POGLAVLJE VII - NADZOR I KAZNE ODREDBE

Član 27.  
(Nadzor)

- (1) Nadzor nad provođenjem ove uredbe vrši Ministarstvo.  
(2) Inspekcijski nadzor nad provođenjem ove uredbe vrši organ za inspekcijske poslove Kantona Sarajevo.

Član 28.  
(Novčane kazne)

- (1) Novčanom kaznom u iznosu od 500,00 KM do 10.000,00 KM kaznit će se za prekršaj pravno lice koji izvrši bilo koju zabranjenu radnju iz člana 25. ove uredbe.  
(2) Novčanom kaznom u iznosu od 50,00 KM do 5.000,00 KM kaznit će se za prekršaj odgovorna osoba u pravnom licu koji izvrši bilo koju zabranjenu radnju iz člana 25. ove uredbe.  
(3) Novčanom kaznom u iznosu od 30,00 KM do 3.000,00 KM kaznit će se za prekršaj fizičko lice-građanin koji izvrši bilo koju zabranjenu radnju iz člana 25. ove uredbe.  
(4) Novčanom kaznom u iznosu od 100,00 KM do 6.000,00 KM kaznit će se za prekršaj osoba koja obavlja samostalnu poslovnu djelatnost koja izvrši bilo koju zabranjenu radnju iz člana 25. ove uredbe.

#### POGLAVLJE VIII - PRELAZNE I ZAVRŠNE ODREDBE

Član 29.

(Važenje donesenih saglasnosti i zaključenih ugovora)

- (1) Sve saglasnosti i ranije izdata odobrenja ostaju i dalje na snazi.  
(2) Ugovori zaključeni sa Ministarstvom za korištenje sistema javne rasvjete u neku od svrha predviđenih ovom uredbom ostaju na snazi do momenta važenja ugovora.  
(3) Svi slučajevi, odnosno postupci koji do dana stupanja na snagu ove uredbe nisu pravomoćno okončani završit će se po odredbama uredbe koja je bila na snazi u vrijeme pokretanja postupka.

Član 30.  
(Donošenje Pravilnika)

U roku od 30 dana od dana stupanja na snagu ove uredbe Ministar komunalne privrede, infrastrukture, prostornog uređenja, građenja i zaštite okoliša Kantona Sarajevo će donijeti izmjene i dopune Pravilnika o tehničkim uslovima sistem javne rasvjete Kantona Sarajevo ("Službene novine Kantona Sarajevo", broj 23/20 i 26/20) u skladu sa ovom uredbom.

Član 31.  
(Prestanak važenja ranijeg propisa)

Stupanjem na snagu ove uredbe prestaje da važi Uredba o održavanju javne rasvjete ("Službene novine Kantona Sarajevo", broj 22/16).

Član 32.  
(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-1352-5/23  
19. januara 2023. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 20. Zakona o koncesijama ("Službene novine Kantona Sarajevo", br. 27/11, 15/13 i 1/22), a u skladu sa prijedlogom Komisije za koncesije imenovane Rješenjem, broj 02-04-44837-39/22 od 03.11.2022. godine Vlada Kantona Sarajevo, na 111. sjednici održanoj 19.01.2023. godine, donijela je

#### ODLUKU O POSTOJANJU JAVNOG INTERESA ZA DODJELU KONCESIJE ZA KORIŠTENJE PODZEMNE TERMOMINERALNE VODE IZ BUŠOTINE IB-1, OPĆINA ILIDŽA

I

Postoji javni interes za dodjelu koncesije za korištenje podzemne termomineralne vode iz bušotine IB-1, općina Ilidža, u obimu od 32 l/s i na period od 30 godina.

II

Postupak dodjele koncesije na predmetu koncesije iz tačke I ove odluke će se sprovesti putem pregovora sa pravnim licem Hotelsko banjsko rekreativno Društvo "HOTELI ILIDŽA" dioničko društvo.

III

Ukoliko se ne zaključi ugovor o koncesiji sa pravnim licem iz tačke II ove odluke, samoinicijativna ponuda ovog pravnog lica bit će odbijena.

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-1352-6/23  
19. januara 2023. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 20. Zakona o koncesijama ("Službene novine Kantona Sarajevo", br. 27/11, 15/13 i 1/22), a u skladu sa prijedlogom Komisije za koncesije imenovane Rješenjem, broj 02-04-44837-40/22 od 03.11.2022. godine Vlada Kantona Sarajevo, na 111. sjednici održanoj 19.01.2023. godine, donijela je

#### ODLUKU O POSTOJANJU JAVNOG INTERESA ZA DODJELU KONCESIJE ZA KORIŠTENJE PODZEMNE TERMOMINERALNE VODE IZ BUŠOTINA IB-1 I B-3A, OPĆINA ILIDŽA

I

Postoji javni interes za dodjelu koncesije za korištenje podzemne termomineralne vode iz bušotina IB-1 i B-3A, općina Ilidža, u ukupnom obimu od 11 l/s i na period od 30 godina.

II

Postupak dodjele koncesije na predmetu koncesije iz tačke I ove odluke će se sprovesti putem pregovora sa pravnim licem Zdravstvena ustanova Lječilište "Banja-Terme-Ilidža".

III

Ukoliko se ne zaključi ugovor o koncesiji sa pravnim licem iz tačke II ove odluke, samoinicijativna ponuda ovog pravnog lica bit će odbijena.